



UNIVERSITÄTS-
BIBLIOTHEK
PADERBORN

Universitätsbibliothek Paderborn

**D. Burchardi VVormaciensis Ecclesiae Episcopi,
Decretorum Libri XX. ex Consiliis, & orthodoxoru[m]
patru[m] Decretis, tum etiam diuersaru[m] nationum
Synodis, ceu loci communes congesti, in quibus ...**

Burchardus <Wormaciensis>

Parisiis, 1549

Vt cibus sacerdotum semper lectio diuina misceatur, clxix.

urn:nbn:de:hbz:466:1-10722

qui voluerit panem cum charitate in domo fratris sui simul cum fratribus frangat, & singuli singulos bibere faciant, maxime vt ultra tertiam vicem poculum non contingant, & sic ad Ecclesias redeant.

Ne clerici, nec non viri religiosi, ante horam tertiam ineant conuiuia.

Cap. CLXV.

Non oportet clericos vel laicos religiosos ante sacra horam diei tertiam inire conuiuia, neque aliquando clericos nisi hymno dicto edere panem, & post cibum gratias autori Deo referre.

Ex cōcil.
Cartha.
cap. 12.

De presbyteris vt hospitales sint. Cap. CLXVI.

Vt curam hospitem, maxime pauperum atque debili-
lium orphanorum quoque atque peregrinorum habeat presbyter, hosque ad prandium suum quotidie iuxta possibilitatem conuocet, eisque hospitium tribuant.

Ex cōcil.
Hānetē.
cap. 3.

De eadem re. Cap. CLXVII.

Vt autem omnis occasio rapinae tollatur, volumus vt presbyteri qui bonum exemplum charitatis omnibus extendere debent, hospitales existant, iuxta dominicum & apostolicum praeceptum, & humanitatem praebeant iter facientibus, quia per hospitalitatem placuerunt quidam Deo, angelis hospitio receptis. Et dominus in die iudicij dicūrus est electis: Hospes fui, & suscepistis me. Et Iob dicit: Ostium meum semper viatori patuit.

Ex eodē
cap. 5.

Vt presbyteri plebes suas vt hospitales sint admoneant

Cap. CLXVIII.

Placuit vt presbyteri plebes suas admoneant, vt ipsi hospitales sint, & nulli iter faciēti mansionē denegent, & vt omnis occasio rapinae tollatur, nihil carius vendant trāseuntibus, nisi quāto in mercato vēdere possint. Quod si carius vēdere voluerint ad presbyterum trāseuntes hoc referant, & illius iussu cum humanitate eis vendant.

Ex cōcil.
apud Ar-
uernas.

Vt cibus sacerdotum semper lectio diuina miscatur.

Caput CLXIX.

Pro reuerentia Dei & sacerdotum id vniuersa sancta synodus statuit, vt, quia solent crebro mensis ocio-
sa fabulae interponi, in omni sacerdotali conuiuio lectio

Ex concil.
Africa-
no. cap 6.

scripturarum diuinarum misceatur. Per hoc enim & aedificatur ad bonum, & fabulae non necessariae prohibentur.

De clericis imtemperatè uiuentibus.

Caput CLXX.

Ex concil. Carthag. cap. 62. **C**Lerici inter epulas cantantes, ab officio detrahendi sunt.

De clericis scurrilibus. Cap. CLXXI.

Ex eodem cap. 80. **S**I quis clericus aut monachus uerba scurrilia, iocularia risumque mouentia loquitur, acerrimè corripiatur.

De eadem re. Cap. CLXXII.

Ex eodem cap. 60. **C**Lericos scurriles, & uerbis turpibus ioculatores, ab officio detrahendos.

Ex eodem cap. 70. **C**Lericus fidei iussor non sit. *Cap. CLXXIII.* Clericus fidei iussionibus inseruiens, abiiciatur.

Ex eodem cap. 44. **C**Lericus nec comam nutriat, nec barbam. *Cap. CLXXIII.*

De clericis per creaturam iurantibus.

Caput CLXXV.

Ex eodem cap. 61. **C**Lericum per creaturas iurantem, acerrimè obicandandum. Si perstiterit in uitio, excommunicandum.

De clericis qui adulationibus & proditionibus vacare deprehenduntur.

Cap. CLXXVI.

Ex eodem concil. cap. 56. **C**Lericus qui adulationibus & proditionibus vacare deprehenditur degradetur ab officio.

De ordinatis qui solent contra ecclesiastica mandata auribus principis molestiam inferre.

Caput CLXXVII.

Ex concil. Antioch. cap. 11. **S**I quis episcopus aut presbyter, aut quilibet regularis subiectus Ecclesiae, praeter consilium & literas episcoporum prouinciae, & praecipuè metropolitani, ad